


THE PATH TO RECONCILIATION ACT

ANNUAL PROGRESS REPORT



**GAA-OZHIBII'ANG
MANITOBA INDIGENOUS RECONCILIATION SECRETARIAT
2023/24**

Ogimaa Mazina'igan Izhichigewin: Waa-izhichige'indwaa omaa Manitoba Anishinaabeg

The Path to Reconciliation Act Waa-izhichige'indwaa ezhi-nisidawindwaa omaa ayaawaad odakiimiwaang Dakota, Dene, Cree, Ojibway, Anisininew, Wiisaakodewinini, gaye Inuit. Mii Act Manitoba ogikendaanaawaa Anishinaabe dibendang aki gaa-ondaadiziichiged wemitigoozhi gaye endaad, o'owe onji-anishinaabe dibaadimin, Anishinaabeg owiiji'aawaa Zhaaganaashii Ogimaan wenji-gashkijigenid, aanind Anishinaabeg odenimaawag endaadiziwaad aanind gaye maazhidoodawaawag. Mii Act mazina'igan omaa da-ozhibii'igaadewan aazha gaa-gii-pimaanakamigak gaa-toodawindwaa Anishinaabeg (TRC), the United Nations Declaration gaa-ayaayang izhichigewinan Andawenjigewinan, Giinawind Gidayaamin onowe gidibendaaming, gaye ogowe Gaa-wanishinowaad Wanenjigaazowaag. Mii Act mazina'igan mii omaa ji-aabadakiban debwewin gaye wiiitwaawin mii omaa ge-onjiigiban oko-gizhewaadiziwin, onjida ji-ganawenjigaadeg mewinzha gaa-gii-onji-saginindiniwaad Wemitigoozhi miinawaa Anishinaabe, mii omaa ge-ondinamang ge-onji-noojimoyang dibishkoo go naasaab. Endaso-biboon odaa-ozhitoon mazina'igan Wemitigoozhi ji-naagwatood odizhichigewinan ji-miinaad Anishinaabe' omaa Manitoba.

Owe mazina'igan mii owe apii gaa-ozhichigaadeg Binaakwiiwigiizis 18, 2023 gaye Aandegogiizis 31, 2024 (mii izhinikaadeg “the reporting period”). Manitoba Indigenous Reconciliation Secretariat ogii-ozhibii'aanan, zhaangaswi Path to Reconciliation Annual Progress Report. Naanan bakaan gegoo da-ozhibii'igaadewan: Anishinaabemowinan gaye Anishinaabewitwaawinan, Mino-bimaadiziwin Abinoojiinyag gaye Weshki-bimaadiziwaad. Inaadiziwin, gaye Mewinzha Gaa-pi-inakamigak. Bijiinag ge-inaagwak gegoo TRC gwayakowichigewinan mii owe weweni ge-anokiimagak.

Ogowe noongom gaa-oshkitamowaad, nawaj geyaabi gegoo da-anokaade ge-wiiji'igoowaad Anishinaabeg, da-wiiji'idim Anishinaabewitwaawin, Anishinaabemowin, gaye awe Aki o'omaa Manitoba. Naagwad o'owe bakaanak nawaj idash iniwedi aanind omaa Manitoba, omaa mazina'iganing dazhinjigaadewan niiwin gegoo gechi-apiitendaagwakin ogowe onji-anishinaabeg: aki, anishinaabewitwaawin, anishinaabemowin, gaye anishinaabeg. Mii gaye gaa-ikidod gegoo bezhig wenji-gikendamin gegoo Anishinaabe, awiya gii-onaakonaa o'apii Aabita biboonigiizis 2024 ge-anokaadang o'owe inakonigewin.

Manitoba Anishinaabeg gaawiin omikanziinaawaa ge-onji-wiiji'indwaa ge-onji-bimaadiziwaad onzaam waasa ayaawan. Manitoba odaanaa gagwe-nanaa'itoonaawaan

ge-wiiji'iindwaa Anishinaabeg nawaj besho ji-ayaagin ge-onji-wiiji'indwaaban. Wemitigoo Ogimaa ogikinoos'amaawaa' ge-izhi-wiiji'aapan Anishinaabe' gaye ji-ondenigesigwaa. Manitoba gaye ogii-kikinoos'amaawaan ge-izhi-wiiji'indwaaban Anishinaabeg, Aanind Ogowe Anishinaabemashkikiikwe omaa Cancer Care Manitoba. Geyaabi, gaye Manitoba nawaj geyaabi anokiitamawaad, owe bezhig My Health Team wiindanokiindiwig Opaskwayak Health Authority da-wiiji'aawag gaa-gii-washkweyaakoziwaad omaa Opaskwayak Cree Nation.

Maadanokiiwig nawaj ji-minoseg, mino-ayaawin, ganawendaagoziwin, ge-ondinamowaad gikinoos'amaadiwin ogowe Anishinaabe abinoojiinyag gaye gii-ishkwaa-ashi-nishwaaswoginzowaad 18. Ge-onji-gashkijigaadeg izhichigewinan, Manitoba gaye ogimaakaana' wiindanokiindiwig ji-wiiji'indwaa Anishinaabeg (CFS) omaa Ishkoniganing. Peguis gii-miinaawaag \$10 millyan weweni ogii-izhi'aawaan zhooniyaan gaa-naabaji'aawaad CFS. Manitoba Ogimaa ogii-wiindanokiinaawaa Anishinaabeg enanokiwaad ji-wiiji'indwaa oshki-aya'aag mino-bimaadiziwin, gaa-wiiji'iwewaginzowaad, gaye gaa-naanaagajitoowaad maji-inaapinewin.

Manitoba Ogimaa ogii-maajitoon gaa-izhi-maanikamigak MMIWG2S+ gii-onaakonaawag ji-dazhindamowaad gaye ji-dazhimaawaad gaa-maazhidoodawaawaad ikwewa', miinawaa ikwewag da-onaakonaawag gewiiji'aawaad ikwesensa' gaye gaa-niizhojichaakwenid gewiinawaa ji-mino-bimaadizinid. Manitoba Ogimaa odanokiinaawaa ji-ganawenimindwaa Anishinaabeg gaa-maazhidoodawindwaa, weweni ji-inenimindwaa jibwaa-dibwaakonindwaa. Owiji'aawaa gaye owe Anishinaabe Dakoniwewininiwa' weweni ji-nisidawinawindwaa dakoniwewininiwiwaad, mii omaa ji-nisidawinaagwak gichi-ayaa'aag ogagiikwewiniwaan. Oshki-ogimaa gii-maajitaad Binaakwiwigizis 2023, mii iwe gaa-ikidod maanoo ji-andone'igeng Prairie Green Ziigwebiniganing maagizhaa ji-mikawindwaa niizh anishinaabekwewag gaa-gii-wanishinowaad. Manitoba Ogimaa ogii-wiikonge'aa o'owe gaa-gii-maazhisenid, weweni ogii-kaagiizomaa' gakina awiya ogaagiizomigowaa'.

Manitoba Ogimaa ji-ozhichigaadegin mazina'iganan Anishinaabe dibaajimowinan geyaabadakin gikinoos'amaading, gaye ogowe Gaa-gii-awakaanindwaa Gikinoos'amaadiwigamigong ji-dazhimindwaa dibaajimomazina'iganing. Manitoba Ogimaa gii-onaakonige gibidanokiwigizhigad Ozaawi-miskwaa Bagiwaanii Giizhigad Waatebagaawigiizis 30, Wa'awe gaye ji-nisidawinawind nitam gaa-gii-ogimaawid Louis Riel. Manitoba Ogimaa ogii-wiijitoon geget ji-izhichigeng gete Anishinaabewitwaawinan miiziwe omaa Manitoba, Anishinaabe gaa-gii-izhaawaad Assiniboia weweni gii-inenimaawag iwedi gete gikinoos'amaadiwigamigong. Manitoba Ogimaa omaa gaa-anokiwaad ji-gikendamowaad mewinzha gaa-pi-aya'iinakamigak weweni ji-gikendaagwak,

owe gii-naanaagazonjigaade gete Anishinaabe gikinoo'amaadiiwigamig. Manitoba Ogimaa wii-wiijitwaawag anishinaabewichigewinan anishinaabe anokiiwinan gaye niimi'iding, miziwe endanakamigak omaa gidakiiminaang.

Gichi-apiitendaagwak wiidanokiiwidiwinan ge-izhi-minoseg gegoo ji-nisidawinaagwakin aazha gaa-gii-wiiji'iding anokiiwinan ozhigewinan ge-daang. Zhaaganaashii Ogimaa wii-miigiwe \$60 millyan zhooniyaa OneNorth – da-miinaawag Anishinaabeg gaye odenaang gaa-daawaad Churchill Gateway System odibendaanaawaa, gaye owe Anishinaabe odibendaan Hudson Bay Railway gaye Churchill Ezhi-wiikwegamaag Anishinaabewaki owe. Manitoba Ogimaa wii-miigiwe \$19.5 millyan ge-onji-ozhichigaadegin waakaa'iganan miinawaa owe minik wii-miigiwe \$5.7 millyan ji-wiijiindwaa gaa-gwiinawidaawaad omaa Manitoba, da-naanaagaji'aawag Anishinaabekwewag, gaye weshki-bimaadiziwaad miinawaa 2SLGBTQQA+.

Mii owe nitam ge-naagwak ozhibii'igan izhichigewinan, mii owe gegwe-izhichiged wemitigoozhi ogimaa ge-izhi-minoseg gegoo. Niibiwa geyaabi gegoo ayaawan izhichigewinan ge-izhi-minosegin gegoo. Manitoba Ogimaa ogechinaayendaan waa-izhichiged ge-izhi-minoseyang gegoon ezhi-okwa'adooyang misko-miikana.